

Imperator Otto Magnus vitæ diem claudit: Imperii verò onus subit filius Otto II. 24. *Basilus* Spado vigilum Præfectus *Zimisum* Orientis Imperatorem propè Damascum veneno tollit: *Basilus* Romani filius 22. ætatis annum agens in ejus locum reponitur. 25. Sub *Albaca* Cordubæ Rege, qui hoc anno mortuus est, vixit *Rafis* Maurus, Philosophus notissimus, qui commentarios suos *Miramolino* misit. Postquam enim Arabes in Hispaniam ex Africa transtulerunt, secum etiam Philosophiam Peripateticam & Astronomicum studium transportarunt, 32. Imperator Occidentis Otto II. in prælio cum Saracenis, quos vincit, venenatâ sagittâ vulneratus cadit. Quâ occasione filius Otto III. Imperium Romanum nanciscitur. 48. *Gerbertus* Rhemis primùm, post Ravennæ Archiepiscopus, fit Papa Romanus, & *Sylvester* II. nuncupatur. Belga fuit, & Monachus Floriacensis, Mathematicorum studiorum amantissimus, & pro Mago habitus, qui pactum fecisse dicitur cum Diabolo, ut ad Papatum promoveretur. Anno 51. quæ est 1002. annus à Nato Christo Imperator Otto III. Veneno infectis Chirothecis donatus, ad Paternum in Italia defunctus, & Imperii gubernatio devoluta est ad *Heinricum* II. cognomento Sanctum vel Claudum. Sequenti Papa *Sylvester* II. Romæ moritur, vir Mathematicum studiis deditissimus, qui libros Mathematicos ex totâ Europâ conquirendos curavit, & multâ pecuniâ comparavit. Epistolam scripsit sub nomine Hierosolymitanæ Ecclesiæ, quâ omnes Christianos ad illam à Saracenis liberandam hortatur, ita primus Belli Sacri author fuit. Anno 67. Vivendi finem facit *Ditmarus* Historicus, qui Imperatorum quinque *Henrici*, *Otonis* primi, secundi, tertii, & *Henrici* secundi res gestas memoriæ prodidit. Floruerunt hoc tempore *Berno* Abbas Augiensis, qui de Musica, Musicis instrumentis, & mensura monochordi multa scripsit, ac *Guido* *Aretinus* Musicus celeberrimus, à *Benedicto* Pontifice Romano Romam evocatus, qui paucissimis mensibus docebat Musicam, quam vix decennii spatio antea aliquis addicere poterat. 73. *Henricus* Imperator periculoso morbo correptus post electionem *Anradi* Imperatoris, quem sibi succedere voluit, Groningæ prope Halberstadtum vitæ dies absolvit. Anno 74. *Basilus* Imperator Orientis ex hujus vitæ contubernio migrans fratri *Constantino* IX. successionem reliquam facit, qui anno 77. decedens Romanum Argyrum constituit Imperatorem, anno 83. suffocatum in Balneo à *Michael* *Zoe* uxoris adultero, quo ad infaniam redacto frater *Iohannes* imperandi munus gerit, & *Zoam* Imperatricem à gubernatione removit. 88. *Anrado* Imperatore Trajecti vitâ functo *Heinricus* III. filius succedit. *Michael* Orientis Imperator anno 90. è vivorum numero excedens successorem habet *Michael* *Calaphatem* *Zoës* viduæ auxilio ad imperii honorem promotum, qui *Zoën* vetulam fastidians in monialem detonderi jubet; sed in tumultu ipsi oculierunt, & *Constantinus* Monachus, ductâ *Zoën* in uxorem, Imperii possessor evadit. Anno 98. Celebratur *Franco* Leodicensis Scholasticus qui de quadratura Circuli scripsit.

Philosophia
& Astronomicum
studium in
Hispaniam
venit.

Papa Sylvester
II.

Franco.

Millenarii Quinti Sæculum Primum, circa Christiani A. M. 5000. A. C. 1032. Campanus.
jus initium celebre nomen habuit *Campanus* natione Lombardus, Astronomus celeberrimus, qui scripsit Astronomica Calendaria, de computo, de errore *Ptolemæi* in supputatione motus Lunaris, & Solaris, orto ex ignoratione octavæ Sphæræ, cui coætanei fuere Arabes quidam insignes: Sic etiam celebris fuit *Hermannus Contractus* ex *Werdingensium* Comitum familia Monachus S. Galli, qui de Musica, de Monochordo, de sex ætatibus, sive Chronicon, de quadraturâ Circuli, de Eclipsibus & aliis scripsit. Anno 3. post mortem *Constantini Monomachi* *Theodora* *Zoës* soror Orientis Imperium obtinet, & sequente anno diem obit, post quam hunc dignitatis gradum nanciscitur *Nichel* *Stratioticus* anno 6. in cœnobium detrusus, in cujus locum venit *Iaacius* *Comnenus* eodem anno, quo *Cedrenus* suæ historiæ finem imponit. Anno 5. *Henricus* Imperator Romanus *Bordfeldiæ* ad *Herciniam* sylvam moriens *Heinricum* IV. puerum Imperatorem relinquit. Anno 8. *Iaacius* *Comnenus* navigans fulmine afflatur, ideòque fit Monachus, Imperiumque depositum tradit *Constantino* *Duce*. Sequenti anno *Marinus* *Scotus* Chronographus ex Scotia in Gallias, & inde in Germaniam venit, & Monachus factus primò Colonia, postea Fulda & Moguntia vixit. Anno 15. incipit historia *Matthæi Parisiensis* ad S. Albanum in Angliâ Monachi, & ab hoc anno Christi 1066. usque ad annum 1270. horum temporum historica enarratione excurrit. Sequenti anno morbo vita erepta est *Constantino* *Duce* Orientis Imperatori, quem in Imperio sequuta est *Eudocia* conjux, contra jusjurandum marito datum nubens *Diogeni Romano*, his nuptiis ad Imperii fastigium evecto. Anno 18. innotuit *Hespericus* Monachus S. Galli Astronomus insignis, qui de Musica, Computo Ecclesiastico, & aliis scripta diversa edidit. Anno 20. *Diogeni Romano* capto erucendos oculos curavit *Michael* *Ducas* Imperator à Constantinopolitanis electus, qui anno 27. in cœnobium cum uxore detrusus locum cedit *Nicephoro* *Botoniati* Imperatori proclamato. Floruit circa hoc tempus *Arzachel* Hispanus, qui obliquitatem Zodiaci à se observatam prodidit. Sub idem tempus Astronomiæ instaurandæ summo conatu Persæ incubuerunt. Tabulasque Astronomicas construxerunt. Annus quoque Persicus civilis ex vago æquabili Egyptiaco Solari motu definitus est, & caput anni edicto Imperatorio in æquinoctio Verno fixum est, cui edicto etiamnum ad hanc usque diem Persæ parent. Anno 28. Imperator *Corazan* sive Mesopotaniæ iussit octo viros in Astronomiâ præstantissimos, inter quos *Avicenna* fuit, æquinoctium vernum inquirere, quod 14. Martii deprehenderunt factum hor. 2. min. 9. post meridiem. Inde incipit æra Gelalæ, quâ Persæ utuntur in Annalibus, & Calendariis. Anno 30. *Alexius* *Comnenus* *Nicephorum* *Botoniatem* Imperio ejcit, & ipsius locum occupat. 40. *Wilhelmus* Abbas *Hirsaugiensis*, qui de Musica, & horologio scripsit, moritur. Proximis annis floruit *Wilhelmus* *Malmesburiensis* Historicus: *Bengazela* item Arabs, qui multos libros de Me-

Hermannus
Contractus.

Arzachel.

Annus Persicus civilis.

de Medicinâ scripsit. 45. Initium Belli Sacri, & expeditionis Europæorum in Asiam ad recuperandam Terram Sanctam, quam proximis annis Christiani occupant. *Henricus* IV. Imperator Romanus hoc anno de Imperiali dignitate à filio dejectus Leodii vivere definit. Filius vero *Henricus* V. Imperio potitur. 67. *Alexius* *Comnenus* Constantinopoli vitâ defunctum *Calo* *Iohannes* filius in Imperii successione sequitur. 69. vixit *Robertus* Abbas *Tuitiensis* multis scriptis clarus, ut & *Gratianus* Monachus Bononiensis voluminis Decretorum scriptor. Anno 74. *Henrico* V. Imperatori mortuo Trajecti in Imperio administrando successit *Lotharius* Saxo. 77. moritur *Iohannes* de temporibus *Caroli Magni* armiger, cum ageret ætatis annum 361. ut *Nauclerus*, *Martinus* *Gramerus*, *Vincentius*, & alii scribunt. *Helinandus* frigidis montis monachus, Historicus flet: *Hugo* de *Santo* *Victore*, qui de Pontificibus & Imperatoribus Chronicon scripsit, hoc anno desinit. *Hugo* Presbyter & Monachus S. Victoris, natione Saxo, Philosophiâ, & Astronomiâ nominis celebritatem sibi comparavit. Anno 85. *Averroës* *Avincemæ* æmulus scripsit commentarios in Aristotelis libros de cœlo. Sequenti *Lotharium* Imperatorem Tridenti è mortalium cœtu mors exemit: Ad Imperatoriam Dignitatem evectus est Sueviæ Dux *Conradus* III. anno 87. Anno 92. *Calo* *Iohannes* in Ciliciâ venatione occupatus, cum aprum gladio trajiceret, casu venenatis sagittis everlis manum vulnerat, & vulnere moritur, postquam *Emmanuel* *Emmanuel* filium natu minorem Successorem constituit. Anno nonagesimo nono, & hujus Sæculi ultimo *Emmanuel* Imperator Constantinopolitanus ab Astrologis constituta horâ felici classem suam portu solvere jubet, contra Rogerium Siciliæ & Apuliæ regem, quæ tamen infelicer rem gerens, aut artem Astrologicam falsam esse, aut artifices illos artem non rectè calculasse arguit. Hoc tempore eruditionis famâ nobiles fuere *Dodechinus* Presbyter, cum *Conrado* Imperatore in Palæstinam profectus, & historiæ ejus author; ac *Rupertus* Episcopus *Lincolniensis* computi, sphæræ, & Calendarii scriptor.

Hugo.

Astrologi mendaces.

A. M. 5100.

A. C. 1151.

Millenarii Quinti Sæculum Secundum. Hujus anno primo Imperator *Conradus* III. decessit, sualque ejus Imperio Romano præfectus est fratris filius *Fridericus Barbarossa*. 7. Otto Frisingensis Episcopus, *Leopoldi* Austriæ Marchionis anno 1136. mortui filius, Annalium scriptor moritur, 13. *Petrus* Lombardus Episcopus Parisiensis, cujus libri 4. Sententiarum extant, ex vitâ abijt. 23. *Wilhelmus* *Tirus* qui historiam Belli Sacri in Palæstinâ conscripsit, ex Cancellario *Almarici* Regis Hierosolymitani fit Tyri Episcopus. 29. Morte abripitur *Hildegardis* Abbatisa, quæ scripsit carmina, & epistolas, & ad quam scriptæ extant epistolæ Imperatorum & Episcoporum. *Emmanuel* item Constantinopolitanus Imperator, *Alexium* filium adhuc puerum Imperii hæredem relinquens. Hunc anno 32. *Andronicus* patruelis *Emmanuelis* chordâ arcus noctu

strangulatum in mare demitti jubet, atque Imperium vi & cædibus invadit. 34. *Isaacius* *Angelus* *Andronici*, cui à malo spiritu prædictum erat; trucidatum iri à quodam cujus nomen ab *Is* inciperet, iussu comprehendendus acriter se defendit, quosdam occidit, & in templum fugâ elapsus Imperator proclamatur; *Andronicus* verò comprehensus, & variis modis cruciatus occiditur. 35. Conjunctio omnium Planetarum facta est mense Septembri, cum præcessisset Eclipsis Lunæ 5. Aprilis, & Eclipsis Solis 21. ejusdem mensis. Conjunctio facta 16. Septembris fer. 3. hor. 1. Sole oriente. Sequenti anno *Saladinus* *Egyptius* Palæstinam occupat, postquam 88. annos in Christianorum potestate fuerat. 39. anno Imperator *Fridericus Barbarossa* in Syria in flumen *Saphar* equo delapsus suffocatur. Imperii Gubernatio filio *Henrico* VI. mandat. 42. *Albertus Magnus* vir doctissimus & celeberrimus hoc anno *Laugingæ* nascitur, electus Anno Christi 1259. Episcopus *Ratisponensis*, quo mox deposito Colonia ut privatus vixit, studiis liberius vacandi causâ, mortuus autem est Anno Christi 1280. cum 80. ætatis annum ageret. 44. *Isaacio* *Angelo* frater *Alexius* *Comnenus* oculos effudit, & Imperium Orientis eripit. 45. Academia Montispefulani in Galliâ circa hoc tempus instituta. Sequenti anno Imperator *Heinricus* VI. cum in venatione aquam frigidam nimis avidè transisset, febri ardente corripitur, ac moritur; ejusque successor fit *Patruus* *Philippus* *Suevus*. Anno 49. qui est Christi annus 1200. *Wernerus* sive *Imerus* vir illustris, Professor juris civilis clarissimus, qui primus Jus Civile glossis illustravit Romæ, postea Bononiæ docuit. 52. *Baldwinus* Flandriæ Comes, cum Venetorum auxiliis, *Alexium* Constantinopoli fugat, & *Isaacio* fratri ab *Alexio* excecato, ut & filio *Alexio* Imperium restituit. Sequenti anno seditione exortâ *Ducas* *Alexius* Imperator eligitur, interfectis *Isaacio* & filio. Sed *Baldwinus* Constantinopolin iterum capit, & *Ducâ* *Alexio* fugato Imperator coronatur, quem proximo anno *Walachi* capiunt & miserâ cæde conficiunt. Successorem anno 54. creant Latini *Heinricum* Fratrem ejus, quo tempore *Nicetas* Historicus desinit. Anno 57. *Philippus* Imperator ab *Ottone* *Wittelbachio* proditoriè interfectus est. Ad Imperii Gubernacula accessit Otto IV. Brunsvicensis, qui *Philippi* filiam *Beatricem* uxorem duxit. 58. Academia Parisiensis maxime floret in omnibus facultatibus, & eò deferebantur Metaphysica *Aristotelis* ex Arabicâ in Latinam Linguam translata, quæ Judicio Episcoporum prohibentur, & flammis abolentur. 61. Circa hoc tempus vixit *Alexander* de *Villa Dei*, author Grammatices carmine Leonino conscriptæ, cui titulus *Doctrinale puerorum*; hæc per annos trecentos in Scholis regnum obtinuit, donec tandem superiori sæculo Grammatica certioribus fundamentis & præceptis tradita fuit. Anno 65. *Henricus* Imperator Constantinopolitanus fato functus successorem reliquit *Pettum* Comitem Antissiodorensem, cui *Iolan-tam* filiam nuptui locaverat. 67. Otto IV. Imperator

Conjunctio
omnium
Planetarum.

Academia
Montispefulana.

(ff)

perator